

# INUIT ATAQATIGIIT INATSISARTUNI



UPA2022/Imm. 164

25.05.22

Hans Aronsen

**Motorafgiftimut suliaasat, allaffissornikkut, akiliisitsisarnermullu akisussaaffik kommunenut tunniunneqarpat sutigut sumiiffinni iluaqutaasinnaanersut pillugit Inatsisartunut apeqquteqaat aallaavigalugu oqallisissiaq.**

(Inatsisartunut ilaasortaq Aqqalu C. Jerimiassen, Atassut)

Siullermik Aqqalu C Jerimiassen oqallisissiamik matuminnga saqqummiininni Motorafgiftip kommunini tiguneqaruni sumiiffinii iluaqutaanersoq partiitut nalileeqqulluta periarfissikkatsigut qujanaq.

Inuit Ataqatigiinni kommunit akisussaaffimmikkut tigooqqaanermikkut ineriartorluarnissaat pingaartitaraarput. Kommunit akisussaaffinnik tigooraanissaminnut pilersaarutaasa tusaaniarnissaasa saniatigut, inuiaqatigiit qinigaattut suleqatigiissinnaanerup pitsaasup inerititaqarfiulluarnissaattaq pingaartuummat. Kommunimmi taakkuummata nammineerlutik ingerlasut politikkimillu, atuuffimminnili naleqartitamik anguniakkatillu tunngavingalugit ingerlarsortartut.

Nuannaarutiguarparpulli kommunit sanaartungassat ilaanni akisussaaffeqarnerulersinneqarnerat kingunerissaariartormat. Sumiiffinnili avinngarusimasuni ineriartortinikkut sunniuteqarlualeriartortoq takusinnaagatsigu.

Isumaqatigilluinnarpakkit kommunit akisussaaffinnik tuniorarneqarnerat pisariaqartoq, takusinnaavarpummi kommunit naalackersuisooqatigiillu tassuuna suleqatigiilluartut.

# INUIT ATAQATIGIIT INATSIARTUNI



Akisussaaffinnillu aalajangersimasunik tunioraanermi qularnaagassaqarpoq, soorlu akisussaaffinnik tunniussinnginnermi suut sanngiiffiunersut soorunami aamma suut pitsaaqutit qulaajarluarneqartarnissaannik piunasaqartuassagatta, inuiaqatigiit aningaasaataasa pitsaanerpaamik attanneqarsinnaasumilli atorineqarnissaat siunertaralugu.

2000-mi inatsisiliornikkut kommuninut ataatsimoortumik tapiissutini iluarsaateqqinneqarmata, motorafgift ataatsimoortumik tapiissutititut tapiliullugu ilanngunneqarpoq. Taamalilluni kommunit politikikkut namminneq soqutigisatik aallavingalugit aningasaat sumut atorineqassasut aalajangersinnaanerat periarfissaq allillugu.

Taamaattumik kommunit akisussaaffinnik tigoqqaanermi aperineqaqqaartarnerat pitsaasumik ingerlasoq qulangersimaannginnissaa matumani pisariaqavissutut ingaarput.

Taamatut oqaaseqarluta oqallissisiamik saqqummiussininnut qujavugut.